

Papsturkunden in Frankreich. Band 5: Touraine, Anjou, Maine und Bretagne., Nr. 53

Innocentius episcopus seruus seruorum Dei. Dilecto filio M. abbati Salmurensi salutem et apostolicam benedictionem. Dilectioni tue notum fieri uolumus, quod pro querimonia tua super ecclesia Boierbaldi abbatisse et sororibus de Nido Auium precipiendo mandauimus, ut proximis beati Martini octauis per se uel nuntios suos nostro se conspectui representent et de ipsa querimonia tibi uel nuntiis tuis respondeant. Tuum itaque interest eidem termino nostro te conspectui presentare et monasterii tui iusticiam super hoc demonstrare. Nos enim tam in hoc quam in ceteris eiusdem monasterii iusticiam manutenere et conseruare uolumus. Dat. apud Corcollum XII kal. iulii.